

武寧縣志卷之二十六

武寧縣知縣滇南李

方技

維寧之區山水奧異鍾英毓靈旁饒絕技雖云小道於  
人有濟醫本岐經卜由易義洞闡陰陽精儲五味惟諸  
術解皆古所器大道既離各執一藝神而明之道之所  
麗簡冊昭垂於今炳蔚一行足觀用載勿替志方技

宋

吳尙洵宋慶歷間人善書能詩尤工山水嘗於尺幅中盡  
華嶽之勢神宗嘉熙間召繪古杭勝概三百里稱旨授  
朝議大夫

吳鵬幼嗜道有道人將小甕磨墨數斗以棕帚滲之刷素



紙壁上取劍劃開中有五色雲擁樓殿一屏題吳鵬成  
仙四字道人忽不見鵬乃入鍾鼎山玉清宮修煉以符  
水濟人甚驗後徧遊名山至匡廬之麓遂迷跡焉

元

章道洪太平宮自然真人七世法嗣精道術嘗斲石遠山  
造人物像數十各重千餘斤役白牛負之至宮菖蒲塘  
山巔有石船相傳爲道洪所泛

按菖蒲塘由太平宮前踰嶺倚北極山偪仄行二三  
里山勢伏處橫亘一嶂延袤里許壁立天際山土石  
斑駁如萬派洪流洄洑湧巔有石船長數十丈廣  
半之道洪嘗乘白牛陟其上飄然有長風破浪意牛  
蓋亦有神術者後牛死瘞之山間至今有神牛塚云

明

潘荃字芳谷龍鬚人幼穎異通奇禽風角六壬諸數亦精  
唐許之術物色劉鋹于未達時後鋹爲將軍從征西南  
參謀軍事多所裨益鋹欲薦於朝荃固辭鋹以所用筇  
竹杖鐫詩贈焉

李愛元少讀書後學醫精研靈素盡會諸家之旨尤深脉  
理預決人疾病死生不少失嘗與一少年會席注日久  
之謂日子陽氣外達真陰不守病且發矣宜亟歸後數  
日少年氣脫死又一產婦暴卒愛元審視良久曰是爲  
惡血所衝擊無死理灼以艾數壯大下血而甦其測驗  
多此類用藥以少爲貴每一二味服至十餘劑不易方  
病亦良已日彼多方以求之者見病未真耳病在一經

以一二味攻之足矣伐其無故經所戒也所著有醫準反約論其言與喻昌張介賓合

國朝

盧元俊字黃耳安樂鄉南浦人爲諸生以易名家後兩目失明仍研慮爻辭彖象會七十二家之旨以究京焦之學遂精於卜筮吉凶休咎唯其所命居洪州十餘年一時有君平之目所著卜緝心解義類簡要爲世所宗

李蓮雲楊浦人性機警善詠諧能詩日可數十首與邑人汪瀾爲莫逆交每飲酒悲歌則激昂起舞有不可一世意人以狂士稱之後棄家爲道士所居無定在遇山水佳處則誅茅三五月旋徙他所尤精醫術測人死生順逆每奇中兼通薛伯宗徒癰之法聞貧兒旅客遘疾輒囊藥相就或勞以吳菽亦欣然攜之去遇富人延治多避不往或詰之曰若輩氣血爲酒肉錢穀所敗較難爲力耳其傲畧如此

胡鈞大順義鄉人通秘笈雲符驅策雷電隨時輒應其鄉有石鐘魑魅憑爲巢穴常出搏噬人道路相率紆避所近雞犬牛豕攬之殆盡鄉人苦之鈞大作法祛治白晝雷聲霹靂石鐘碎裂窟宅一空怪遂滅

艾芬字右苾下南鄉人幼慧有文名尋以病廢遂專心醫理仲景傷寒論金匱玉函諸書洞悉源委所著有傷寒括註雜病略諸書得其傳多所全活

王時性字恒卓坊市人家世業醫初習儒應童子試不售遂研治內經洞悉脈理診人窮通壽夭多奇中然鯁直

不能容物視俗醫無可與語者人益忌之及奇病險症非性不治性至諸醫環視拱聽觀所為方且怪且駭性曰無怖可立愈也果如所言性狀貌魁梧卒年八十邑人士咸思慕焉

陳袞臣字山補別號六癖子穎慧能文詩亦有奇趣尤善書法所為行草八分大小篆皆妙絕一時邑侯鄭大敬少尹王璋敬禮之為布衣交居閒綽長髯喜詼諧能以趣語合五方土音令人願解又通詞譜音律之學興至輒引檀板抱魚鼓歌聲徹門外與弟亦羣稱為二妙子戟光為庠生竟不永年惜哉

新增

張旅字蓋仙北鄉人少讀書能識大意後業醫洞徹脉理博覽諸家書而變通之每遇疾則閉目凝思靜按源委故所為方多奇中醫家咸則之著有孺子篇議論精當其兄望為之序

鄧箕三坊市人花棚柯孝子性剛授以外科秘方用之神效遂操其術濟人年七十始集生平所歷著外科經驗方未脫稿卒子蘭乾郊續成之箕三天性孝友父遺中人產每食必有酒肉偕兄弟六人色養怡怡季弟敏為諸生力學安貧既析產箕三子百金助膏火鄉里慕之顏其堂曰雍睦與柯孝子並稱孫匡准監生匡淳恩貢曾孫衍忠呂章俱庠生林球元字於梧號真我坊市人品方有度少習儒書尤通醫理屢試未遇乃益研窮難經素問諸書臨症用方多神效居常濟世為念無分貧富迎之輒往不言謝邑侯

石爲詳請於郡伯林充醫學年六十七母年九十朝夕左右人尤稱道之子材茂職員

李舒字墨樵邑庠生二十五都人狀貌端嚴家貧授徒鄉曲於醫理披郤導窾爲人治病診脉畢凝神靜思定一方每三四易紙或定數方若先服中服後服無不病隨方解與同都胡勿迷友善胡亦精於醫每聚首則相與辨論務求理之至是遠近賴之李年五十餘卒胡艾年死三日而蘇年七十餘卒合著有醫理互驗數卷貧未能付梓

葉培春名妾順義鄉銀爐人父精醫學以本草諸書授徒妾年十二竊聽熟之卽得其意有姨母病血痛延數醫脉伏汗流口噤目閉咸束手母使往視曰血蠱也投桃仁三十粒下之而愈里人子患暑病垂危哭聲達門外妾眠日熬攻心劈西瓜二枚食之立痊由是醫名大噪其切脉能決壽夭窮通分寧蕭姓子陽氣達外真陰不守妾見之執其手診曰不三日矣果二日死靖邑舉人羅麟未過時患胸氣恐成中滿診之謂脉清秀而長氣不甚伸某年入泮病減某年登榜病瘳且有壽後年果七十有四他如診汪某無十日活丁某必病大痲瘋葉某必跛一足驗者甚夥南豐譚中丞尙忠贈以切巧冠羣義寧州知州楊浩然贈以術精十全二額尙在爲人樸茂忠誠延請者貧富皆往子孕丹精其術亦有父風焉

李騰萬字文峰北鄉滁陽村人祖父皆早世大母母氏以

節孝著丈峰幼孤體弱習舉業不任攻苦乃究心岐黃  
術後因以自治者治人多全活家頗饒好施予求診貧  
授以藥富亦不索謝爲人和厚自喜善調攝壽八十尙  
康強前令王贈杖朝國手額南昌學博黎爲製八十壽  
序

陳承羔字贊卿安樂鄉曉灣村人幼習儒以親老弟幼家  
寒窘改業醫研究靈樞素問之旨療病多中其貧苦無  
資者且授以藥輯有經驗急救良方行世又著醫案百  
篇未及梓前令陳瑞球寵以存心利物功能濟著手成  
春氣自和之句縣丞張鳳輝亦賜以和緩遺風額年踰  
六秩卒鄉里多感慕之

程銘字斂予一字西堂年豐南程人少工舉業不售遊處  
士張閏榻之門肆力韓歐泐中彪外間情吟咏有梅花  
詩百首尤精於靈素諸書黃之蘭刺夔州遣姪來寧旅  
次患危症羣醫束手銘用奇方得生黃奉幣賚書頌之  
廬州府守戴鳳翔郵寄濟人得壽額

武寧縣志卷之二十七

武寧縣知縣滇南李 珣纂

祥異

天人之際王者所敬叶寒燠雨暘休咎是徵粵稽古帝德契穹冥五風十雨河嶽輸靈有一不順垂象致懲恐懼修省肯慙斯寢叶蕞爾巖邑遭遇

昇平大化翔洽四靈充庭感召不爽昭示後人叶志祥異

漢

元和三年海昏出明月珠大如雞子圓四寸八分古今注

按舊志載大始元年誤此時武寧即海昏地

晉

武帝太康元年豫章生嘉禾安志三年白雀見豫章玉七年

木連理生豫章太守蘭隸以聞安志

按太康元年改西安縣為豫章縣

永興元年彩雲覆豫章甘露降麒麟見安志

永嘉末豫章有大蛇長十餘丈斷道過者輒吸之吞噬百

人吳猛與弟子殺之猛曰蜀賊當平矣既而杜弢滅豫章書

按許遜傳載海昏有巨蛇遜仗劍斬之此云弟子當屬遜

大興元年正月麒麟見豫章豫章書冬十二月豫章地震水

湧出鄭樵通志二年夏五月蝗豫章書三年春正月白鹿二見

豫章孫氏瑞應圖云白虎

咸和二年夏四月己未豫章地震鄭樵通志

太元十四年桐木連理生豫章藝文類聚冬十一月辛亥白虎

見豫章豫章書

宋

文帝二十二年豫章豫寧得銅鐘江州刺史廬陵王紹以

獻豫章書按江西考古錄鐘字係鍾釜之鍾廬陵王

大明七年二月月犯南斗第四星入魁中占曰豫章受災

豫章王子尚死宋書天文志

齊

永明五年春二月豫寧縣長岡山得神鐘一枚豫章書

唐

元和二年大旱十五年水

宋



景祐元年八月大水

紹興四年水

二十七年大水

乾道四年旱五月秋七月乙亥龍鬪於縣西北大雨俄頃

迅雷起東南二龍奔逝墮珠於復塘村大如輪為牧豎

所得自是連年水安志

七年首種不入大饑民食草實

八年大旱

淳熙十四年大水

紹熙四年大水

元

大德元年水

七年饑

九年六月水

延祐元年秋八月水

至順元年饑

至元元年大饑人相食

至正十年大水

十四年夏四月大饑

明

洪武元年大水暴溢

永樂十年夏四月雨至五月大水漂沒民居戶部撫卹豫章

宣德八年水

九年饑

十年大饑

成化三年旱

七年春雨大水

安志

十三年大旱饑民食樹皮死者無算

宏治六年大水衝廢田廬得減賦

正德元年縣治內飛火四起廬舍幾盡

安志

七年旱饑殍盈途

嘉靖元年大水民多漂沒饑

四年饑

五年大旱

九年庚寅七月紫芝產賓陽岡

十三年旱大饑

十九年大水

二十三年旱大饑民食樹皮死者甚衆

二十四年旱

四十一年水

四十三年水

四十五年饑

隆慶二年旱饑

萬曆十六年春大水傷麥 夏旱傷禾 秋七月雨雪

十七年旱自五月至九月始雨早晚稻俱傷民大饑疫

癘盛行

十九年大有年

二十五水

二十六年大水自四月雨至五月初五日水入縣門邑城民居浸頽過半男婦多漂沒十八日縣南出蛟水暴漲田禾淹沒隴畝成溪饑溺交困縣令周道昌發倉賑拯民賴以生 秋旱

三十二年大水漂沒民居溢城市東南城樓俱圯田地淤塞民沈溺無算

三十六年大饑

三十八年大水蝗

泰昌元年十二月中旬大雪至次年二月中乃止

天啟四年四月星隕石視聲如雷其色黑

五年夏大饑知縣徐士華議賑胥吏沮之不果

崇禎四年七月十七日夜地震十月十一夜又震省城亦如之

九年旱大饑

十年晝晦

十四年大旱

十六年火延燒城東門及民房二百餘家 又明年地震有鳥如雞數百集縣西龜山一夕飛去

國朝

順治三年大旱

四年夏大饑斗米銀八錢民多餓死

五年大有年斗米銀三分

十年四月初四日雨雪如石殺鳥獸 五六月旱 七

月中大雨中晚稻蝗

十一年縣署王夫人祠產芝三本

十三年閏五月大水波濤中有黑物大如山自寧州沿江而下入縣境至石溪乃沒州民李維常妻僕漂流過此親見之 十一月民間有訛言一時男女無長幼婚嫁殆盡

十六年旱五六兩月不雨無禾減賦十之三

十八年夏雨二越月傷禾 六七月旱中晚稻傷

康熙元年大旱減賦十之三

二年三月旱至五月初九日雨

三年大有年斗米銀三分

十七年旱

十八年旱

二十六年旱

二十七年旱

四十四年乙酉十一月廿七日城中火自看鶴橋起延燒至上坊林家巷

四十七年戊子夏秋間疫癘盛行民多死者

五十四年乙未虎噬數十人

五十五年丙申夏四月末旬雨至五月朔洪水暴至高下田地皆沒沿江室廬殆盡小舟從女牆入城市惟縣署及盛文郁祠白馬廟未淹 秋七月虎入縣城 冬十一月虎由曹婆洞入城

雍正元年癸卯冬日大風拔木數十圍者亦起

五年丁未夏大饑

十年壬子虎傷人無算

十一年癸丑虎噬多人

春三月十四日夜南山雨雪

乾隆元年丙辰春正月朔日彩雲覆太平山彌日乃散

三年戊午春正月初十日晝晦黑雲起西北雷隱隱不

發聲屋宇林木皆震須臾大雨雹長樂鄉大田沙灣上

戴諸境屋發木折人竄伏如蝟魚驚沸駭麥縱橫委地

禽獸多什傷雹大者重五觔

四年己未除夕酷熱如盛夏人不能任衣搖扇揮汗農

工多浴溪澗中夜半雷鳴

五年庚申春大雨雪奇寒 二月火自城中下坊起延

燒二百七十餘家

七年壬戌冬苦竹花實

八年癸亥四月大饑民食竹實 六月十三日夜明如

晝蛟出茗竹港水暴漲衝廢田舍

九年甲子秋七月大旱至十年乙丑夏五月初三夜始

雨雨後又旱至十月乃雨

十一年夏五月朔大水舟入城市沿江禾被傷

十三年大有年

十四年大有年

十五年三月初六日大風拔木發屋

十六年春大雨雪夏大饑

十七年春季大饑民食蕨薇及菽 秋大有年

二十二年丁丑冬夜城中地震

二十五年庚辰夏霍溪雨雹大者重五六觔傷屋瓦

二十八年癸未秋稼熟

三十年乙酉荒民有食土者平糶

三十二年丁亥文仲源雨紅粒如珠居民呈獻稱瑞

三十三年戊子夏不雨知縣黃宓率同官步行四十里

抵石鑊洞禱雨 秋稼大熟

三十四年己丑麥穗兩岐

三十五年庚寅昇仁鄉水淹沒村民無數 秋冬旱麥

不能下種

四十年乙未夏大旱傷稼

四十一年丙申五月水

四十二年丁酉夏大水入城

四十三年戊戌大旱 秋稼熟

四十四年己亥荒升米二十六錢民食蕨薇饑不爲害

四十六年辛丑夏旱 秋稼大熟

四十九年甲辰四月大風屋瓦飛空如飄葉

五十年乙巳夏旱縣令石讚韶循黃令故事率同官禱

雨石鑊洞雨降 九月初旬雨雪傷秋稼民食蕨

五十一年丙午春荒斗米價錢三百六十文 三月清

明後六日大雪深三尺

五十三年戊申六月大水舟可入城南門城樓倒塌

八月年豐鄉三十都民雷元溥妻張氏一產三男報縣

詳奉轉請

恩賞米五石布十疋

五十四年己酉下南鄉陳貴上妻余氏年八十歲親見元孫五世同堂

五十七年壬子夏旱

五十八年癸丑長樂五十三都被水冲損田畝并坍塌瓦草房屋縣令黃駿捐廉撫卹具文申報

六十年乙卯昇仁鄉二十都耆民葉先達親見七代詳奉轉請

恩賞七葉衍祥匾額

嘉慶四年九月十字街四圍俱火延燒

七年壬戌六月旱本年應完錢漕詳奉轉奏

恩旨緩征

十四年己巳下南鄉監生邱德馨妻溫氏

例贈修職郎秀崑之母邑庠生英佐監生兆綸文理舉人文蔚之祖母邑廩生攀桂之曾祖母七十四歲親見元孫

五世同堂

十六年辛未夏秋亢旱禾黍皆枯縣令詳奉轉奏

恩旨緩征本年未完民屯錢漕民食蕨根苦菜諸葉 冬縣東門火延燒八十餘家

十七年壬申秋太白經天

十九年四十四都民賴永松年七十四歲五世同堂稟報知縣尹作翰給慶衍會元額

二十年乙亥昇仁鄉十八都麥穗兩岐亦有三岐者

三十都民洪啟鯉五世同堂具呈稟報

二十二丁丑三月雨雹傷稼

二十四年己卯三月二十九都民蔣淡秋妻楊氏一產三男報縣詳奉轉請

恩賞米布照例折銀四兩九錢給領

二十五年庚辰自五月至七月不雨高下無收窮民就食他方縣令詳奉轉奏

恩旨緩征本年應完錢漕 七月廿四夜順義鄉瀧溪有農者夜守宿田間仰見天開一路簫鼓齊鳴若迎仙狀頃刻遂沒

道光三年年豐鄉傅季三年九十七歲五世同堂稟報知縣陳雲章給康強逢吉額 北鄉汪賢浴之妻魏氏年百四歲江陰鄉姚彩章年百有二歲俱具呈稟報

五年乙酉八月彗見

七年丁亥坊市余道耕年百歲知縣殷思濂造廬稱觴踰三年歿 安樂鄉任直隸饒陽縣知縣王子音之妻

勅封孺人汪年八十三歲親見七代五世同堂稟報知縣殷思濂給熙朝人瑞又由三男瑞芝徽州經歷任所詳報安徽學政汪守和以鶴籌燕翼額之

十年二月上南鄉三十九都監生鄒翼廷年八十歲五世同堂稟報知縣朱良翰詳奉 部題覆照例

恩賞緞疋銀兩并眉壽延慶額

十一年辛卯五月八日雷雨發蛟大水十三日更甚視乾隆戊申高數尺近水田舍漂沒城南舟至十字街縣令詳奉轉奏



恩旨被災之鄉緩征

十二年壬辰旱荒穀昂甚每石制錢約二千七八百七月廿六日平旦天朗無雲有火毬墮西北方雷聲隨之十三年癸巳疫鄉民斃者無數 瓜源淨明堂李致菴舊隱處堂後有桐數畝及時不花既吐新榦其狀爲刀爲鉞爲立瓜爲龍仗肖官司前列導

十四年甲午監生陳履青年八十一歲親見元孫五世同堂

十五年乙未上南鄉石門樓張思誠年九十六歲五世同堂稟報教諭黃曙給有九表六齡身爲祖之祖一堂五世眼見孫之孫十八字聯贈之 下南鄉賴玉輝之妻鄧氏亦親見元孫五世同堂 八月蝗初自建

昌入境蔓延徧野知縣林躬率兵役出捕復捐俸募民穴地火攻彌旬不滅忽西風暴雨詰朝遂絕

十六年丙申天雨黑黍

十九年北鄉劉宇峰之妻張氏年八十七歲五世同堂稟報

二十一年辛丑四月二十八日地震興國瑞昌同八月二十六日大雨雹傷粟及蕎冬月大雪冰堅如鐵死於道者無算時年豐石良山吳楚要衝有新嫁婦乘輿度嶺僕從失足併斃之虎亦跌死 上南鄉四十都二園園下余夢陽年八十三歲五世同堂具呈稟報

二十二年壬寅六月四日大風拔木下南尤甚居民田姓數仞牆圯瓦石如飛八月四夜有白光一道與河漢

並自天市垣穿入紫微垣

二十三年癸卯二月八夜天西角有白氣形如練首尾尖橫畢皆參三宿下十餘夜沒三月初十夜長樂東坑雨雹大者尺餘殺鷺鷥數翼菜麥屋瓦皆傷

二十七年丁未年豐鄉三十二都温湯張宗麗五世同堂具呈稟報

二十八年戊申年豐鄉三十三都陳橋村王槐得妻程氏年八十七歲五世同堂稟報 邑令李給齡延五世

額 本村王槐梅妻金氏年百歲 本鄉二十九都池塘裏談方有妻方氏年百歲 昇仁鄉十都菖蒲塘庠

生盧焯妻張氏年九十四歲五世同堂俱稟報 七月雷震文峯塔傷頂

武寧縣志卷之二十八

武寧縣知縣滇南李 珣纂

祠廟

德曷以報道曷以崇馨香俎豆攄孝闡忠惟

師孔子萬世儒宗增秩追享

聖代特隆巍巍殿廡湛湛頰宮先哲載配名賢率從其在

優典文德武功山川效順風雨攸同一靈一感世贈世封藐

茲下邑咸仰休風志祠廟

文廟宋紹興十一年邑令謝鐸林志作謝鑑始建大成殿於縣治

之東今城隍祠地元至治間縣尹李洪濤呂天倪典史刺馬

丹前後修葺訖工於泰定元年范梈記至正十二年土

寇張普獻陷武寧廟燬明洪武五年知縣馬植建大成

殿翼以兩廡衛以戟門以達櫺星門永樂乙丑知縣陳  
 鑄增修其後知縣施大有縣丞賈榮主簿婁楷相繼葺  
 治俱見江振記成化六年知縣黃雋以學宮湫隘請遷  
 於縣西延恩寺故址邑人徐確捐金張文獻捐地提學  
 夏寅記十九年知縣馮琦重修易櫺星門以石學使鍾  
 晟記正德十五年知縣陸浚復遷於縣治西之城隍祠  
 前巷地疑即今學舒芬記嘉靖三十三年知縣黃一鵬重修隆  
 慶六年知縣胡東陽增修羅崇奎記崇正九年復遷縣

治東今城隍祠地

國朝順治二年闖賊餘黨入寇學宮燬六年署縣令夏遵虞  
 草創之規模略具康熙三年知縣馮其世捐修悉完舊  
 制鄒度拱記五十七年知縣董大呂復修盛際斯記雍  
 正元年知縣廖科齡請遷於縣西城隍祠地張景偉記  
 乾隆三年貢生盧大舉呈請修葺殿廡捐二千兩規制  
 大備布政彭家屏記四十四年知縣梁鳴岡允紳士請  
 與縣丞許達相度地宜區畫規制遷類池櫺星門各距  
 故址數丈許潘崇桂建大成殿及各鄉分修俱詳楊光  
 斗記中嘉慶二十二年生員潘運型兄弟叔姪重修大  
 成殿上南葛氏修戟門城市鄉賓贈修職郎盛三鳳裔  
 重修櫺星門二十四年昇仁鄉貢生柯燕賓重修東廡  
 安樂鄉重修西廡順義鄉重修宮墻年豐鄉重修大門  
 石坊二十五年下南鄉余陶五重修丹墀道光二年下  
 南鄉修內泮池貢生翁藻劉心履監生劉承緒林中桂  
 廩生王賚占五家新建周圍大垣墻道光二年翁富春

重修外泮三年。繇世章盧帶修戟門外石坪。年豐鄉貢生車運亨修廟前石坪。江陰鄉四十五七八都新建五子祠。長樂鄉盧譽聞修五子祠前石坪。年豐鄉鄒登潮修文廟左石路。其頭門內左右坪。彝倫堂前左坪坊市監生李蕃碩修砌教諭項珊總記。見藝文。

祀典

漢高帝元年初。追謚孔子曰褒成宣尼。公安帝延光三年。祀孔子及七十二子於闕里。

魏正始七年。命太常釋奠以太牢祀孔子於辟雍。以顏回配。

晉武帝太始七年。皇太子親釋奠太學。

宋文帝元嘉二十二年。太子釋奠。從裴松之議。舞八佾。設

軒縣之樂

北魏文成帝詔。宣尼廟別勅有司行薦享禮。

北齊每月朔祭酒。領博士以下。及諸學生。以上謁廟行禮。隋制州縣學。以春秋仲月釋奠。

唐高祖武德二年。詔以周公爲先聖。以孔子配。太宗貞觀二年。尊孔子爲先師。以顏回配。二十一年。詔天下以左邱明卜子夏。公羊高。穀梁赤。伏勝。高堂生。戴聖。毛萇。孔安國。劉向。鄭衆。杜子春。馬融。盧植。鄭元。服虔。何休。王肅。王弼。杜預。范甯。賈逵等。從祀尼父廟堂。高宗乾封元年。追贈孔子爲太師。總章元年。贈顏回太子少師。曾參太子少保。皆配享。元宗開元八年。始定諸賢坐象。二十二年。追謚孔子爲文宣王。贈顏子兗國公。閔子等九人爲

侯曾子爲伯

宋太祖建隆三年詔廟門十六戟真宗咸平中追封孔子爲元聖文宣王尋以犯祖諱改爲至聖封聖父爲齊國公祀啟聖祠仁宗景祐元年詔釋奠用登歌神宗元豐七年以孟子配享荀况揚雄韓愈並從祀徽宗崇寧四年文宣王冕十二旒服九章大觀二年以子思從祀四年詔文宣王執圭鎮並用王者制詔先聖廟門二十四戟理宗淳祐元年加周惇頤張載程顥程頤朱熹從祀景定二年加張栻呂祖謙從祀度宗咸淳三年以顏會思孟爲四配以閔子等並顯孫師爲十哲以邵雍司馬光從祀

元成宗大德十一年加孔子號爲大成至聖文宣王加聖父齊國公爲啟聖王仁宗皇慶二年以許衡從祀文宗至順元年加顏子爲兗國復聖公會子邾國宗聖公子思沂國述聖公孟子鄒國亞聖公加程顥豫國公程頤洛國公又加孔子母爲啟聖王夫人始以董仲舒從祀位居七十子之下

明太祖洪武元年詔正諸神位封號惟孔子特仍其舊定每歲春秋仲月上丁日遣官行釋奠禮四年用登歌堂上堂下之樂舞用六佾以國子生及公卿子弟在學者充樂舞生五年罷孟子配享六年復祀十四年建太學十五年詔天下儒學通祀孔子頒釋奠儀二十六年頒大成樂器於天下各州縣如式製造二十九年黜揚雄從祀成祖永樂八年正文廟繪象聖賢衣冠合合古制

宣宗宣德三年判定從祀名爵位次頒行天下英宗正  
統二年以宋胡安國蔡沈真德秀從祀三年禁釋老宮  
不得瀆祀孔子以顏路曾點孔鯉孟孫氏配享啟聖祠  
俱封公是年始以元吳澄從祀憲宗成化二年封董仲  
舒爲廣川伯胡安國建寧伯蔡沈崇安伯真德秀浦城  
伯孝宗宏治九年始以宋楊時從祀封將樂伯世宗嘉  
靖九年改封孔子爲至聖先師啟聖王爲啟聖公四配  
爲復聖宗聖述聖亞聖從祀十哲及門弟子稱先賢左  
氏以下稱先儒去塑像設木主罷公侯伯諸封爵申黨  
卽申棖去黨存棖其公伯寮秦冉顏何荀況戴聖劉向  
賈逵馬融何休王肅王弼杜預吳澄十三人俱罷祀林  
放蘧瑗鄭衆盧植鄭元服虔范滂七人俱各祀於其鄉  
以后蒼王通胡瑗歐陽修從祀又以陸九淵從祀改稱  
大成至聖先師廟門爲戟門樂章中稱王者並易爲師  
以程珦朱松蔡元定從祀啟聖祠兩廡穆宗隆慶五年  
以薛瑄從祀神宗萬歷初以羅從彥李侗從祀十二年  
以陳獻章胡居仁王守仁從祀二十三年以周惇頤父  
周輔成從祀啟聖祠

國朝康熙二十三年

御書萬世師表匾額縣各學大成殿二十五年

御書至聖先師贊二十八年

御製顏子曾子子思子孟子贊俱

頒學勒石五十一年以朱熹升祔十哲五十五年以范仲淹從  
祀雍正元年改啟聖祠爲崇聖祠封孔子以上五代爲

詔各學建忠義祠孝弟祠仍建節孝祠於學宮外二年復以林放蘧瑗秦冉顏何鄭康成范甯從祀增縣直牧皮樂正子公都子萬章公孫丑諸葛亮尹焯魏了翁黃幹陳淳何基王柏趙復金履祥許謙陳澥羅欽順蔡清陸隴其從祀以張迪從祀崇聖祠三年部頒文廟禮樂圖籍四年

御書生民未有匾額縣各學五年

諭直省內外先師誕日齋戒諱孔子名加卽為邱乾隆二年升有子東哲移朱子西哲末復以吳澄從祀三年

御書與天地參匾額縣各學六年部頒先賢先儒從祀位次嘉慶元年

御書聖集大成匾額縣各學道光元年

御書聖協時中匾額縣各學三年以劉宗周湯斌從祀

先師廟

正位 木主定式高二尺三寸七分闊四寸厚七分座高四寸闊七寸厚三寸朱地金書

至聖先師孔子

東配 木主定式高一尺五寸闊三寸二分厚五分座高四寸闊六寸

復聖顏子 述聖子思子

西配 木主定式與東配同

宗聖曾子 亞聖孟子

東哲 木主定式高一尺四寸闊二寸六分厚五分座高二寸六分闊四寸厚二寸

先賢閔子騫 冉子雍 端木子賜 仲子由 卜子商

有子若

西哲木主定式與東哲同

先賢冉子耕 宰子予 冉子求 言子偃 顓孫子師

朱子熹

東廡兩廡先賢木主式與兩哲同先儒木主式高一尺三寸四分濶二寸三分厚四分座高二寸三分濶

四寸厚二寸

先賢蘧 瑗 澹臺滅明 原 憲 南宮适 商 瞿

漆雕開 司馬耕 梁 鱣 冉 孺 伯 虔

冉 季 漆雕徒父 漆雕哆 公西赤 任不齊

公良孺 公肩定 鄒 單 罕父黑 榮 旂

左人郢 鄭 國 原 亢 廉 潔 叔仲會

公西與如 邾 異 陳 亢 琴 張 步叔乘

秦 非 顏 噲 顏 何 縣 亶 樂正克

萬 章 周惇頤 程 顓 邵 雍

先儒穀梁赤 伏 勝 后 蒼 董仲舒 杜子春

范 甯 韓 愈 范仲淹 胡 瑗 楊 時

羅從彥 李 侗 張 栻 黃 幹 真德秀

何 基 趙 復 吳 澄 許 謙 王守仁

薛 瑄 羅欽順 陸隴其 湯 斌 陸贊黃道周

西廡

先賢林 放 宓不齊 公冶長 公皙哀 高 柴

樊 須 商 澤 巫馬施 顏 辛 曹 邴

公孫龍 秦 商 顏 高 壤駟赤 石作蜀

公夏首 后 處 奚容蒧 顏 祖 句井疆

秦 祖 縣 成 公祖句茲 燕 伋 樂 欬



狄黑 孔忠 公西箴 顏之僕 施之常

申棖 左邱明 秦冉 牧皮 公都子

公孫丑 張載 程頤

先儒公羊高 孔安國 毛萇 高堂生 鄭康成

諸葛亮 王通 司馬光 歐陽修 胡安國

尹焞 呂祖謙 蔡沈 陸九淵 陳淳

魏了翁 王柏 許衡 金履祥 陳澧

陳獻章 胡居仁 蔡清 劉宗周 文天祥 孫奇逢 呂坤

祭器

祝版一 爵一百五十

登一 簋四十一

簋四十一 籩一百八十四

豆一百八十四 篚九

爵五 尊五

尊桌三 帛匣八

香案十七 大小木盤二百一十一

香爐四十五 燭臺四十五對

供桌四十三 毛血盆八

瘞毛血盆八 悅巾二

罍巾五 盥洗盆架各三

滌牲桶八 釜八

粉盆一 庭燎隨用 以上馮志所載 今存者實寡

木主版二座 瓷登一個

瓷彝二個 瓷鼎十六個

瓷毛血碟十六個

毛血銅盆六口

瓷碗十二個

瓷簋六十一個

瓷簋六十個

瓷香爐十八個

瓷著尊八個

壘尊八個

瓷爵五十四個

竹絲籩一百四十六個

木豆二百四十八個

木饌盤十六個

木俎二十架

木燭五十三對

紬幕幃八個

銅勺八個

錫盥盆二口

盥盆木架二座

錫茅池二個

帛筐盒十八個

木牲盤十八個

木高照四十六個

鐵燎爐二座

鐵庭燎爐八柱

鐵燎叉四把

供桌六張原存六張新發二張

綢桌幃十八個

以上乾隆十四年四月初八日奉頒到學

原存祭器

銅爵一十一個正德二年知縣毛駉捐製

錫籩豆一十二個康熙五十六年知縣董大呂捐製

樂器

大鼓一架

禮鼓一架

緞鼓幃一面

應鼓一架

叢鼓二架

搏拊二架

琴六張

琴桌六張

瑟二架

笙六攢

龍笛六枝

鳳簫二排

洞簫六枝

塤二盒

篪二枝

祝一座

敔一座

侑翟四十八枝

籥四十八枝

羽毛一百四十四枝

石磬十六面

銅鐘十六口

鐘磬木架二座

象簡六塊

麾旛二座

旌節二座

干二塊

戚二座

以上同祭器頒發

祭文

先師廟

維年月日某官某致祭於 至聖先師孔子曰維 先  
 師德隆千古道冠百王揭日月以常行實生民所未有  
 屬文教昌明之會正禮節樂和之時辟雍鐘鼓咸恪薦  
 於馨香泮水膠庠益致嚴於籩豆茲當仲春祇率彝章  
 肅展微忱聿將祀典配以復聖顏子宗聖曾子述聖子  
 思子亞聖孟子尙饗

樂章 乾隆八年頒

春祭夾鐘爲宮倍應鐘起調

迎神 咸平

大 伏 哉 伏 孔 伏 子 伍 先 伏 覺 仕 先 伍 知 伏 與 伏 天 伏 地 仕

參 伍 萬 伏 世 仕 之 伍 師 伍 祥 伍 徵 仕 麟 伏 紱 伏 韻 伏 答 仕

金 伏 絲 伍 日 伏 月 伏 既 伏 揭 伍 乾 伏 坤 伏 清 伏 夷 伏

初獻 寧平

予伏懷伏明伏德伍玉伍振伏金伏聲伍生伏民伏未伍  
有伍展伏也伏大伍成伏俎伍豆伍千伏古伍春伏秋伏  
上伍丁伏清伏酒伍既伏載伏其伏香伏始伏升伏

亞獻 安平

式伏禮伏莫伏愆伍升伍堂伍再伏獻伏響伍協伍鼗伏  
鏞伏誠伍孚伍鬯伍獻伏肅伍肅伍雍伏雍伏譽伏髦伏  
斯伍彥伏禮伍陶伍樂伏淑伏相伍觀伏而伏善伏

終獻 景平

自伏古伏在伍昔伏先伍民伍有伏作伏皮伍弁伍祭伏  
菜伏於伍論伍思伏樂伏惟伍天伍牖伏民伍惟伏聖伍  
時伏若伏彝伍倫伍攸伍敘伏至伍今伍木伏鐸伏

徹饌 咸平

先伏師伏有伏言伍祭伏則伍受伏福伍四伏海伏鬻伍  
宮伍疇伏敢伏不伏肅伏禮伍成伍告伏徹伍毋伏疏伏  
毋伏瀆伏樂伍所伍自伏生伏中伍原伏有伏菽伏

送神 咸平

鳧伏繹伏義伏義伍洙伍泗伏洋伏洋伏景伍行伍行伍  
止伍流伏澤伏無伍疆伏聿伍昭伍祀伏事伏祀伏事伍  
孔伏明伏化伏我伍蒸伏民伍育伏我伏膠伏庠伏

秋祭南呂為宮仲呂起調

迎神 咸平

大伏哉伏孔伍子伏先伏覺伏先伏知伍與伏天伍地伏  
參伏萬伏世伏之伏師伏祥伏徵伏麟伏紱伍韻伏答伏

金伏絲伏日伏月伏既伏揭伏乾伏坤伏清伏夷伏

初獻 寧平

予伏懷伏明伏德伏玉伏振伏金伏聲伏生伏民伏未伏

有伏展伏也伏大伏成伏俎伏豆伏干伏古伏春伏秋伏

上伏丁伏清伏酒伏既伏載伏其伏香伏始伏升伏

亞獻 安平

式伏禮伏莫伏愆伏升伏堂伏再伏獻伏協伏響伏鼗伏

鏞伏誠伏孚伏鼉伏鼈伏肅伏肅伏雍伏雍伏警伏髦伏

斯伏彥伏禮伏陶伏樂伏淑伏相伏觀伏而伏善伏

終獻 景平

自伏古伏在伏昔伏先伏民伏有伏作伏皮伏弁伏祭伏

菜伏於伏論伏思伏樂伏惟伏天伏牖伏民伏惟伏聖伏

時伏若伏彝伏倫伏攸伏叙伏至伏今伏木伏鐸伏

徹饌 咸平

先伏師伏有伏言伏祭伏則伏受伏福伏四伏海伏黷伏

宮伏疇伏敢伏不伏肅伏禮伏成伏告伏徹伏毋伏疏伏

母伏賁伏樂伏所伏自伏生伏中伏原伏有伏菽伏

送神 咸平

鳧伏繹伏義伏義伏洙伏泗伏洋伏洋伏景伏行伏行伏

止伏流伏澤伏無伏疆伏聿伏昭伏祀伏事伏祀伏事伏

孔伏明伏化伏我伏蒸伏民伏育伏我伏膠伏庠伏

春秋祭品

先師廟

省牲 羊二 豕六 鹿一 兔十

陳設 羊一 豕一 爵二 登一 劔一 簠簋各

籩豆各八 酒尊一 篚一 帛一白色長一丈八尺 香案

一 香爐一 燭一對

四配 羊一分作四分 豕一分作四分 爵每位 酒

尊一 登一 劔二 簠簋各二 籩豆各六 篚

一 帛一白色長一丈八尺 香案一 香爐一 燭一對

十哲東西各五位 豕一分作五分 酒尊一 篚各一 帛一白色

長一丈八尺 每位爵一 劔一 簠簋各一 籩豆各四

香案一 香爐一 燭一對

兩廡各四位壇中總設 香案一 香爐一 燭一對 酒尊一

豕一每位 篚一 帛一白色長一丈八尺 每壇爵四 簠簋

各一 籩豆各四

祭品實器

籩實以竹為之容四升 左列

形鹽 藁魚 棗 栗 榛 菱角 芡 白餅造

黑餅蕎麥粉造 粉餈糯米造

豆實 右列

韭菹以韭末用中四寸 菁菹 芹菹 笋菹 鹿醢 醢

醢猪肉鮮用鹽醢 兔醢 豚胎猪嘴脾用牛百葉切

酒造 糝食用牛羊豕肉細切粳米飯同熬

簠實簠瓦器外圓內方有蓋刻龜形

黍稷

簠實簠瓦器內圓外方受一斗二升有蓋亦刻龜形

稻 梁

登寶

登瓦器如豆  
徑尺八寸高

大羹

大羹猪肉汁  
不用鹽醬

鉶寶

鉶瓦器

和羹

汁用菜料者

以上祭品從舊志載入今益以大牢禮較隆矣

### 崇聖祠

明正德十五年遷學宮於縣治西城隍祠地隆慶六年知

縣胡東陽始建啟聖宮崇正九年復遷縣治東至

國朝康熙三年知縣馮其世重修雍正元年又遷學宮於縣

西城隍祠地改啟聖祠為崇聖祠乾隆三年盧大舉重

建四十四年遷祠於印山下距大成殿丈餘監生羅彥

修嘉慶二十四年監生黃錫環杜蘅劉六成羅純熙李

杏榮職員方洋董任波七家仍舊址新建

正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東配

先賢顏氏路

孔氏鯉

西配

先賢曾氏點

孟孫氏

東廡

先儒周輔成

張

迪

蔡元定

西廡

先儒程 珦 朱 松

祭文

崇聖祠

維年月日某官某致祭於 肇聖主 裕聖王 詒聖王 昌聖王 啟聖王曰維 王奕葉鍾祥光開聖緒 盛德之後積久彌昌凡聲教所覃敷率循源而溯本宜 肅明禋之典用申守土之忱茲屆仲秋春聿修祀事配以 先賢顏氏先賢曾氏先賢孔氏先賢孟氏尙饗

名宦祠

明初在學宮櫺星門外嘉靖二十五年知縣任夔遷學宮 左邑人潘槐記隆慶六年知縣胡東陽重修其後與學 宮代有遷徙 國朝乾隆四十四年上南鄉重建在戟門左嘉慶二十二年 上南鄉葉紹賢之裔重建

名宦

唐

范建殊 縣令

宋

呂晉夫 縣令 楊 芳 縣丞

元

帖木兒 達魯花赤 楚 彥 主簿

明

但元行 知縣 盛文郁 知縣 黃 雋 知縣 王 僑 知縣  
毛 騫 知縣 陸 浚 知縣 寇可教 知縣 殷景暹 縣丞



應元徵 教諭 沈秀 訓導

鄉賢祠

明嘉靖間知縣任繁遷學宮左隆慶間知縣胡東陽重建  
國朝乾隆四十四年上南鄉遷建戟門右嘉慶廿二年重修

鄉賢

宋

葉顧言 朝奉大夫 葉履和 通判 葉黥 著作郎 周友賢 教文閣學士

明

韋熙 教諭 陳銘 縣丞 張天仁 主簿 羅通 縣丞

萬廷彩 參政 方孟縉 按察司僉事 潘儵 知州 萬日軾 知州

國朝

盧 折太僕

忠義祠

國朝雍正元年奉

詔建在文廟右側乾隆四十四年田懿年重修嘉慶二十四

年田昆重建在文廟左

忠義孝弟

唐

段逸 御史中丞

宋

冷應元 廣東提刑

明

胡紹遠 勅封忠武以上皆忠義

宋

王仲友 王汝正

明

陳仲賢 鴻臚寺司儀 胡英良 庠生 方孟縉 按察司僉事 萬建先 庠生

陳國柱 庠生 陳國豸 庠生 葉正春 庠生 汪以敬 朱自順

盛彌建 聶世奇 以上俱孝子

節孝祠

國朝雍正元年奉

詔建在文廟右側乾隆四十四年萬和重修嘉慶二十四年

城市監生林材順重建在文廟左

宋

余李氏 余釗妻 封孺人 竺梅英 竺壽翁女

元

戴氏婦 戴復古妻

明

盛善才 盛文郁女 盛李氏 盛珏妻 蔣愛姑 蔣存時女 余李氏 余遠山妻

葉王氏 葉茂浩妻 彭李氏 彭玉韜妻 盧張氏 盧燧妻 胡張氏 胡輔妻

萬盧氏 萬一章妻 李汪氏 李鳳鳴妻 盧聶氏 盧舉妻 盧夏氏 盧貯妻

余王氏 余義妻 蔣陳氏 蔣日貴妻 余王氏 余熙妻 楊汪氏 楊淮妻

汪盧氏 汪路妻 鍾余氏 鍾本器妻 張李氏 張泰新妻 聶洽氏 聶一經妻

盛氏 盛彌俊女 王盧氏 王廷桓妻

國朝

盧周氏 盧士辭妻 劉張氏 劉鳳儀妻 李劉氏 李素松妻 李劉氏 李仲玉妻

盧王氏 盧奎妻 石張氏 石孔文妻 熊葉氏 熊起茹妻 盧陳氏 盧宣雲妻

盧徐氏 盧焯妻 劉黎氏 劉宗清妻 羅盛氏 羅賓額妻 瞿劉氏 瞿志開妻

劉盧氏劉廣蕃妻葉陳氏葉焄妻熊冷氏熊高妻林劉氏林蒼妻

周余氏周逢傑妻盧徐氏盧岑妻張劉氏張蔚妻葉林氏葉大椿妻

王潘氏王德煥妻劉陳氏劉愈金妻湯李氏湯世鑾妻鄭黃氏鄭祖進妻

葉成氏葉世其妻翁盛氏翁壽春妻張陳氏張紹仕妻張黎氏張益旺妻

張翁氏張光淡妻黎張氏黎以銑妻葉邵氏葉暢予妻余張氏余興藻妻

余盧氏余聘之妻

文光祠

國朝乾隆四十四年張達源重修嘉慶二十四年安樂鄉方

宏仲重建在文廟左

文昌廟向有閣在東渡嶺閣廢基存

國朝乾隆元年移建縣署左側坐北朝南一進兩間道光三

年監生舒廷棟重修知縣陳雲章有記見藝文向係紳

士集會每年誕日致祭置田四畝四分嘉慶六年奉

詔添設

文昌帝君先世及後代各神牌位每歲二月初三為春祭秋

祭另行擇吉祀典與

關聖大帝同乾隆甲辰聶之桂獻社壇上地田四畝田十號地五號塘一口正米三斗六升八合立會完納

祭品 牛一 羊一 豕一 登一 鋼一 簋二

簋二 籩十 豆十 爐一 鐙一 禮神制帛一

香爐一 尊一 爵三

後殿祭品 羊一 豕一 簋簋各二 籩豆各八

爐一 鐙二 禮神制帛三 香爐三 尊三 爵九

文昌廟後殿祭文

祭引先河之義禮崇反本之思矧夫世德彌光延賞斯

及祥鍾累代炯列宿之精靈化被千秋緯人文之主宰  
是尊後殿用答前庥茲值仲秋肅將時事用申告潔

神其格歆

文昌廟春秋祭文

維

神蹟著西垣樞環北極六匡麗曜協昌運之光華累代垂  
靈為人文之主宰扶正久彰夫感召薦馨宜致其尊崇  
茲屆仲春用昭時祀尚其歆格鑒此精虔

關帝廟在縣治東城隍祠右每春秋二仲及五月十三日祭

陳設與

文廟後殿同

國朝追封關帝三代公爵一在營署詳營署志

祭品 牛一 羊一 豕一 登一 釧二 簋二

簋二 籩豆各十 爐一 禮神制帛一 香爐一

尊一 爵三 鐙一

後殿祭品

羊一 豕一 簋簋各二 籩豆各八 鑪一 鐙二

禮神制帛三 香爐三 尊三 爵九

社稷壇在縣正北壇北向為北壇周圍五丈高三尺中埋石

主周垣計二十五丈橫一十七丈舊同先農壇在縣西

北王令遷今所監生李元勳建以春秋二仲上戊日祭

祭品 筐一 黑色帛山川俎二 羊釧一 和羹 簋二 黍稷

籩二 稻 籩四 形鹽菜 豆四 菁菹芹菹

先農壇在社稷壇右正屋三間橫廳二間藉田四畝九分以

清明後亥日祭行耕藉禮祭品與社稷壇同

迎神樂章永豐初獻時豐亞獻咸豐終獻大豐徹饌屢豐

送神報豐

風雲雷雨山川壇在縣治河之南壇南向為南壇周垣計二

十三丈橫二十三丈祭期儀制與社稷壇同

雩壇附山川壇祭以四月無定日

崇祭在南門水階處歲遇淫雨不止設神位於城門下望

祭不用牲帛惟陳酒果籩豆祭畢聚眾擊鼓凡三百三

十為一通連擊數十通而退

救護日月蝕俱於縣堂設香案於露臺行禮

城隍廟在縣治東宋乾道二年知縣吳彥夔建於縣治西

即今學宮明正德間徙縣治東崇正九年署縣姚存仁

仍遷於縣治西

國朝雍正元年知縣廖科齡復移於縣治東廟無專祭春秋

上戊設主於山川壇厲壇三祭以城隍主之水旱祈禱

官司莅任皆特祭焉康熙四十二年北鄉二十五都獻

黃土墩和尚墾田一十七畝有零科米九斗九升六勺

勒碑祠內歷久碑遺業幾無考嘉慶六年都人尋出舊

碑往踏僅存一十五畝六分查糧冊僅存米八斗七升

九合根究佃人始知私賣與邱姓訟經何劉二主嘉慶

九年邱姓另裁黃土墩二畝相連二號推米一斗四升

立契交二十五都轉獻廟內更立新碑共前一十七畝

六分大小二十六號

昭忠祠在城隍祠右道光三年安樂鄉監生翁壽春之妻

節婦盛氏命男俊儻新建併捐田肆畝以資香火

國朝

李秀章

武畧騎尉

汪騰雲

武信騎尉

劉陞

武信騎尉

潘蛟

修武校尉

許真君祠有二一在縣西龍潭寺祀晉許遜邑人盛樂有  
記一在朝元宮地監生盧琬建嘉慶二十三年安樂鄉  
三戒堂王捐錢壹百千文長樂鄉生員余振采捐錢捌  
拾千文上南鄉貢生葛咏周葛鏡崖北鄉李杏榮城市  
監生劉韵珊張墨瀾盛調鼎陳掌儀各捐錢伍拾千文  
江陰鄉胡星如捐錢貳拾千文買沙田中堰何姓門首  
田拾壹號計九畝四分沙田下堰黃家堰側田四號計  
四畝沙田陳姓門首田壹號計壹畝陸分羅堰桂冲田  
拾陸號計肆畝肆分下南鄉職員蘇應明獻楊浦堰沙  
灣裏田陸號計叁畝肆分共正米壹石壹斗伍升叁合  
柒勺貳抄九撮道光三年北鄉張聖瑞捐錢壹百千文  
城鄉油舖錢伍拾千文年豐楊步廷錢肆拾千文通裕  
典下南余感憲堂共錢陸拾千長樂余五林堂斐賓錢  
貳拾肆千文安樂余理泉方相廷高安彭鳳來共錢陸  
拾千文長樂余浣冰余荆山中口胡豐盛城市張玉臣  
共錢肆拾千文買楊浦黃土堰墾下等處田壹拾捌號  
地貳號計拾肆畝壹分正米九斗六升九合

厲壇在北門外舊有牲房神厨門屋今廢周垣長一十八  
丈五尺橫九丈每歲清明中元十月朔祭國殤以盧甫  
爲首迎城隍主之

祭品羊一 豕一

旗燹春祭用驚蟄日秋祭用霜降日

祭品羊一 豕一 帛一 祝一 香燭 酒果

馬王廟在營署二門右康熙四年守備房光先建

按馬王者或曰馬鳴王或曰釋家之馬鳴大士或曰

道家之馬鳴師星考周禮馬祖為房星祭先牧始養

馬者並無王號姑循舊訂入

三聖廟在營署西祀關帝馬王火神

國朝乾隆四十四年都司線坦建

東嶽廟舊在西門外明正統閒知縣馬植建萬歷閒知縣

朱士佳遷置東郊道光四年坊市監生盧照妻潘氏重建邑舉人黃家禮有記見藝文

白馬廟有二一在縣治西鐵爐巷祀白馬忠懿王董晉像

盛樂有記一在城北潘崇桂獻地建立嘉慶六年其孫

生員潘運型復獻地主修

土地祠在縣署儀門左一在土地巷

倉神祠在縣治西漕倉後

國朝乾隆十一年知縣嚴在昌廢五顯廟建

王夫人祠在縣署廳事東祀明知縣盛文郁母正德閒

勅建詳廟記

丁仙祠在縣東北祀丁令威卽元時鶴影觀今為精靈觀

璩公祠祀明知縣璩伯崑鄒本載在城隍廟未詳

寇公祠在城隍廟西祀明知縣寇可教

鮑公祠在登仕橋左康熙閒知縣鮑泓內陞民建生祠合

璩公伯崑王公簡之同祀今為訓導署

王公祠 文廟右祀知縣王簡之今廢

昭應祠在縣治南祀楚三閭大夫屈原唐封清烈公道光

二年重修

天后宮在縣治南乾隆六十年閩人建

仁壽宮在縣南嘉慶二十二年清江人建呂字記

孝神祠在東倉空基後祀土神袁龍乾隆年閩建

修水神廟在縣西四十里 府志

雙忠廟在北樓源祀張巡許遠明知縣馮琦建一名朝天

廟以漕運開兌致祭

國朝乾隆二十八年鄉賓劉孔臣重建知縣萬友正記

岳忠武廟在十二都龍興寺宋紹興元年忠武王岳飛追

斬趙萬於朱家山趨江州憩此鄉人立廟祀之一在城

隍廟今廢

按宋邑令張子仁記岳忠武遺像在城隍廟內今但

有前明寇公像馮志已無可考鄒本復載邑人冷洙

葉榭從祀未知何據又順義鄉洞口有岳公廟

發靈廟在縣東四十里巾口五代時南宮氏兄弟二人避

寇居此有德於民宋乾道二年賜額發靈

盧侯廟 即將軍廟 在四十四都磨源隴祀南唐侍郎盧儔 今廢

按盧儔南唐李昱時兵部侍郎為李氏守西郵屯兵

武寧築磨源隴陂堰灌田萬畝鄉人德之立廟祀焉

宋進士楊三益有記詳確可據馮志誤載唐將軍盧

絳今從宋文訂正

段中丞祠祀中丞段逸萬歷志載在六都橋墩今不可考



柳貞公祠在鄧埠柳山祀唐宣城伯柳渾鄉人陳公顯父子建詳古蹟

旌義祠在七里山宋邑人李宗道闢七里山路鄉人祠焉今廢

光祿祠在縣西斜灘祀宋光祿大夫余良肱王炎午記忠烈祠在縣西龍潭寺左祀明諸生盛彌俊同女服姑邑

令鄒應元記

三忠祠在縣署前祀邑人冷洙冷應元應凱鄒應元記

方厓里祠在縣西塔溪職員方洋兄弟王建張望記見藝文

按祭法非有德於民及死事勞國禦災捍患者不在

祀典後世好巫尙鬼祠宇徧都邑迎神賽會沿襲成

風武寧頗無滌祠寥寥數字多就傾圮亦足以見好

惡之正風俗之醇矣

各鄉祠廟新編 俱在祀典中不在祀典者概歸寺觀內

旌陽廟

一在北鄉煙港今移上街村人建

一在昇仁鄉紫鹿嶺新建

一在清江街乾隆辛巳年建

一在北鄉二十七都澧溪下街嘉慶戊午衆建

一在上南鄉岡上嘉慶十八年鄉賓贈修職郎盛三鳳

裔獻地主修

一在上南鄉盤山嘴 一在上南鄉楊梅山

一在順義鄉七里岡 一在昇仁鄉邱家鋪

一在順義鄉石市 一在下南鄉茗洲港

一在順義鄉官田

一在年豐鄉温湯

一在上南鄉坪原

一在上南鄉羅溪

一在順義鄉牛皮洞口旁有岳武穆祠

一在順義鄉大田 道光癸卯年重修

一在順義鄉龍石老人峯下

一在安樂鄉巾口街新建

屈子祠在安樂箬溪中街

東嶽廟一在高坪一在二十五都坪下 一在東關外有記見藝文

南昌府學宮內入祀忠義孝弟祠二十人

明代張良員張良贊余弼葉雲會冷耀葉一燭李爵陳

一泰凡八人

國朝陳思珊盧圖龍盛時盛鍾靈張居柳盧宣耀田懿年

盧廸張義中葉桂大舒鏜盛明富凡十二人

以上俱係嘉慶初年修府學建祠後照府志所紀姓名

設主入祀今縣志已成而學宮祠內限於位置不能增

入故附載於此

補遺

五子祠在 崇聖祠左江陰鄉四十五七八都建

龍王廟在順義鄉三十五都茶溪村人建

儼神廟在三十九都石門樓張玉瑚之裔監生張寶善履

中耆民張蔚初倡修

三洪廟在上南鄉茅坪

仙姑祠在下南鄉慈姑嶺有方員二井爲里人禱雨處

四靈官祠在邑北門外二里許祠後有楓株樟樹

三爺殿在三十九都丁上

穀神殿在二十六都甫田橋首事三十二人衆建

三神殿在龍峯尖禱雨最靈

龍王殿在龍峯尖禱雨最靈

三仙殿在大烏山一名仙姑尖

龍王廟在縣西道光庚子年

火神廟在縣西道光庚子年

貢生蘇遠法捐獻黃土墩田壹畝四分佃戶盧良杰每年額租錢貳千八百文

生員盧光陸捐獻黃土墩田壹畝九分山一片佃戶李翰俊每年額田租穀四石山租穀八斗折錢

二項歸縣署經收爲二廟廟祝香燈飯食費用又田清世捐田壹畝計二號土各濯水上申塘佃汪洽南

武寧縣志卷之二十九

武寧縣知縣滇南李 珣纂

塋墓

哲士安仁愚夫怛化運往會來於何憑藉蟪蛄春秋菌

槿晨夜苟無建樹同焉榮謝或崇而封或植之續奠厥

精靈妥其幽舍表誌焜煌銘詞典雅文德武功不相假

借若堂若房悠悠泉下孝子慈孫昭茲流亞志塋墓

伊叟墓在北鄉伊山詳見雜記

吳王墓在長樂鄉吳王峰

按馮志載有甘羅吳王二墓頗難徵信古蹟辨之甚詳

循舊錄訂亦存疑之意耳

唐祭酒張寧墓在縣東四十里琵琶峰

宋靜王汪焱墓在江陰鄉桐林

按馮志載汪焱隨父迪判司婺州屢平賊寇有功封靜王鎮豫章籍居武寧桐林因葬焉其功績封爵渺不可攷姑循舊錄以俟參核

宋太傅鄭中立墓在上清鄉卽今下南鄉西渡源

宋御史汪剛中墓在江陰鄉桐林

宋寶慶通判葉履和墓在南鄉廉村梅山燕塢丞相謝方

叔題翰林徐經孫撰銘

宋著作郎葉點墓在上南鄉楊方松林

宋學士周友賢墓在四十二都文仲原

宋處士葉開墓在南鄉西溪修撰周應合志銘

宋提刑冷應元墓在豐良邑進士邢以忠誌

元贈右丞相胡紹遠墓在江陰鄉長沙

明知縣盛文郁墓在北門奩臺山

明參政萬廷彩墓在西嶺

明給諫聶以大墓在下灣蓮花菡

明按察司僉事方孟縉墓在北鄉塔溪

明知州潘儵墓在南臯

明朝列大夫余弼墓在長樂鄉雁伏山弼子長祚同塋此

明湖廣九溪衛教授張嘉猷墓在磧溪山內竹坑裏

明定番知州萬曰軾墓在嚴陽山西坪

國朝鄉進士福建汀州府推官盧圖龍墓在下南鄉球場工

部侍郎周亮工志銘

昭勇將軍武寧營守備馬文燦墓在孟家灣邑令王掄

士誌云有附墳地二畝原付山隣韋正南着管道光三年經公清理丈過三畝七分有零着正南之嗣孫孕唐等付出歸公召佃每年額租錢壹千貳百文作春秋祭祀之費韋姓推出地糧銀六分祭期捕衙親臨設奠

正堂陳 爲曉諭事案據紳士公稟余正南卽韋正南侵佔清故守備馬公墳地一案業經本縣親詣勘明墳地斷令韋正南之孫韋孕堂等培修內外羅圍鋪砌坟前磚石免追歷年侵蝕修坟之費其羅圍內盜葬五塚無碑可考姑作古塚免其起扞毘連墳所餘地向係培壅種蔴以致地高于墳均飭令不得再行培高坟外餘地大小共三處勘丈計地三畝七分七厘八毫另行召佃領種完糧納租地租飭交禮書經管歲爲修葺墳塋辦理春秋二季香楮等物聽候委員祭奠計其所用歲有贏餘五年後將存餘租項大修墳墓一次取供立讞在案惟查民間墳山地畝侵佔盜葬各有明條馬公禦亂衛民功在不朽雖世遠年湮傳誦日少而松楸抔土卽屬遺芳凡爾士民皆當追思曩者保障之功肅然起敬更不得稍存覬覦之心今 本縣雖已將韋孕堂責懲周詳立案誠恐鄉僻小民未能盡悉合行出示刊碑曉諭爲此示仰該處居民人等知悉自示之後所有馬公墳塋地畝毋許任畜踐踏及侵削霸耕倘敢視爲無主之墳藐非在官之地有盜葬侵佔者一經查出或被指控定行嚴究以爲玩視不遵者戒各宜凜遵毋違特示道光三年十月初十日

誥授榮祿大夫寧夏總兵官都督徐月吉墓在文仲原

誥授榮祿大夫左都督湖廣施州營遊擊盧達墓在新建畢

家山

勅授昭勇將軍武寧營都司李大威墓在劉家山上庄邑人

盛元績志銘

誥授通奉大夫太僕寺正卿盧浙之墓在安樂鄉一都龍腹

朱家嘴

誥授武顯將軍廣東潮州鎮總兵張大鵬墓在十三都塘北

山之崖山

按塋墓之志必其人有關於世及官斯土而有功於民者方可登載若尋常科第仕宦概不及收

附義塚

一在城東校場西嘉靖二年知縣陸浚置

一在城東校場左萬歷三年知縣胡東陽買民地五畝繚

以土垣名漏澤園

一在城西龍潭石後雲龍書院廢基萬歷三年改爲義塚

一在城西竺家嶺

國朝順治九年武寧營守備張百齡買民地五畝五分爲義

塚

乾隆十二年吏員鄧正選諸人聯卹亡會置買田產每遇

清明修築墳塚中元建設齋醮歲以爲常

附卹亡會置產諸人

鄧正選吏

林冬燧

洪巽中

潘崇桂貢生

盛辰南

王戒浮

李芳馨 賓鄉

張志猷

張鳳圖 員吏

羅彥 監生

盛西仁 白汀嶺人

張晶九

冷洪 監生

以上俱坊市人

按卹亡義舉初常施棺二百矣凡二十餘人張應遴爲之序其弟張郁南等呈請鄒令入志未果後會金日耗老成半謝各家子弟不能盡一其會漸解選乃聯集同事十三人爲垂久計續置宋家墩洋浦裡鴈嘴壠田一十七畝八分正米一石一斗六升二合九勺在西倉二畝完納自是計所入之租以爲費踵行不衰無虞費乏用附載之以示勸焉

道光十八年邑增生劉翔龍監生劉金誥兄弟買獻義塚山一障在北關外百樓源口土名魏家山四界俱止山脚又東南連界秋地數畝併獻入養濟院收租  
道光二十九年邑監生黃兆泰父子買獻義塚山一障土名大嶺下高公窩東至盛姓山水溝西至王姓山窖石南至學署山水溝北至王姓山壩爲界又庄屋門首義塚地坪連山一圖東北至雷姓山窖石西至學署山窖石南至圳爲界又買獻土名太保殿熟地一片計弓壹畝三分歸守山耕作爲每歲照理義塚工食

福建監生張碧梧父子買獻義塚山一障在北關外土名馬杓山東至劉姓田南至劉盛二姓田西至大路北至

養濟院墳場

武寧縣志卷之三十

武寧縣知縣滇南李珣纂

寺觀

深山淨土泉谷逶迤青牛名峽紫鹿相依珠宮載啓寶刹崔嵬象外尋幽是僑是棲昔在梁武梵宇流輝滄乎趙宋紫館爭奇武地叢爾與世推移恭逢

盛世文教昭垂緇流羽客沐浴

重熙荒菴野寺用載勿遺志寺觀

朝元宮 一名上清宮在明倫坊

按明景泰間縣丞殷景暹立規模龕具縣丞何清繼成之為習儀之所知府楊崇有記後燬嘉靖元年知縣陸浚重建順治初邑罹逆燹道眾潰散道士章化麟胡素



禎新之地主汪姓重修後殿宇漸廢僅餘東西寮房今  
西房盡頽改爲義學東房前改建旌陽祠  
迎恩寺在尊賢坊

按宋元豐間法安禪師居此後廢爲積貯倉明成化間  
改爲儒學後學遷基鬻於民其寺向附城隍祠今祠遷  
縣治東而寺仍附祠右

建福寺在悅親城東外鷺公潭寺廢基存

永慶寺在縣治城東關外夏家堰

龍潭寺在縣治西關外乾隆辛巳年僧應慈募修

觀音閣在縣東三里獅子崖僧寶慈募修

按獅子岷俯修江閣冠其上竹樹陰森石徑險仄閣久  
傾圮邑人劉元和步川關方秉衡同建置廖家壠灣近

田一畝五分乾隆甲申年知縣萬友正構登山臨水之

亭爲邑東登眺之所乾隆甲辰知縣  
石讚韶重修

東林寺在縣南飛鳳山五福祠在文昌宮左

明心寺在縣西四望山道光三年重建  
溥濟寺在南市義民張溥建

安樂鄉

惠民寺在箬溪蟠龍寺在北山源僧道彥重修  
山頂有塘曰仰天塘

長壽堂在德安縣界天寧寺卽上寶山

高峰菴在三碁灘廣福寺在地師嶺

慶雲寺在曲池雍正間建乾隆

永興寺在塔峯山梁志湧泉堂寺側有泉天晦則井水  
上湧後建塔鎮之

石鏡寺山有石壁如鏡可  
眉遊人每多題咏  
鑑鬚

周田寺在西廬潭田寺宋蔣金部有詩寺基存

三山堂

在三山之麓元邑進士邢以忠有記

天神寺 在三山頂

化成寺

係舊桑棗園

寶積寺 在廣城

廣城觀

觀音寺 在中口街

雲門寺

在三山

朝陽寺 在徽埠裡

蘇峰寺

在落馬塢龍王腦山

祥符寺 在八都入步階

朝南寺

在七都

精靈觀

一名丁仙觀有晉朝柏樹二株嘉慶二十四年監生余夢熊等首倡重修李家賓有記見藝文

迴龍殿

在二都左右二泉大旱不涸內有古樟大數圍

昇仁鄉

天尊觀

在十都下車水口

豐樂寺 在大橋河

金城寺

在長富墩

迴龍庵 在下楊

天臺寺

在西坑

法院寺 在豐良

自在庵

在十一都蘭園寺

懸寶寺 在十一都

隆興寺

在雲蓋山宋岳忠武王追賊過此因立像祀之

甘泉觀

祀旌陽弟子甘戰見古蹟元末燬於兵遺晉朝柏樹勝國時被雷擊裂成化間里人董甫重建

大源觀

在大堰橋

大泉寺 在雙坑源

祐聖宮

在回頭山嘉慶丙寅眾修宮後有殘塔山下有金泉邑人湯之銘有記見藝文

普庵寺

在大塘

靈臺寺 崖山高聳中有石臺即臺建寺僧悟元重修

天門寺

在上庄山寺基係熊姓獻

淨明寺 在張庄

法雲寺

在馬跡山下柯源中墩

金鐘寺

龍隱寺

在梅崖山

南岍寺 在清溪南

白蓮堂

有石似蓮水出瓣中不涸故名寺後壁削數丈右有巨石塞之直若墻垣僧如詔周明募修

路口亭寺

在路口

下高泉寺 在路口

上高泉寺

在山巖有田數畝引泉灌慨不憂旱澇又有毛祖煉丹亭遙出丹石

小坑寺

港口寺 在清溪

居隱院 在上北山

延壽寺 在礪坑與興國州抵界

松山寺 在分水嶺

上佛堂 卽龍蟠寺

下佛堂 卽天福寺

南陽庵 在洞口山葉如院建

梅園庵

瑞慶庵

普濟寺 在蕎麥源

石燕寺 在雙河口寺與興國州抵界邑人葉尙與重修

鳳凰寺 卽楊山寺 在中村源

新安寺 在扭系嶺

雲峰寺 在金竹尖寺後 爲興國州境

圓通寺 在北山厓

水口寺 在港北坡 螺墩舊遺

淨塵庵 在羊腸山俗名 洪嘉寺舊遺

黃塘寺 在下北山 吳楚交界

北鄉

三峰寺 在雙港口康熙初年 獅如和尚開堂於此

金盆寺 在大塘下

佛堂寺 在南臯

仙姑寺 在仙姑山

南臯寺 在南臯

雙嶠寺 山極陡峻上下二十餘里爲吳 楚通衢行人暑月賴以憩息

靈通寺 在伊山口 白雲庵 在黃毛尖

西隆寺 在西莊巖上 吊馬寺 在內燕

觀音閣 石市對厓山瞰修水閣半 懸空登陟盤曲而旁達

法院觀 在龍鬚龍王峯下 五鳳山寺 元卽修湯位東捐田 卽金城山最幽僻 貳畝貳分給僧施茶

寺側爲書院二十六都輔 慈仁寺 卽馬岡峽在烟港花紅 成社學建均有記見藝文 山之右東廂爲標燈軒

嘉慶辛未協同住僧鏡月 南山寺 據府志 提緣修寺裝神 增入

西山寺 永興寺 在伊洞水尾嶺宋盧 仙姑至此潘氏建

玉清宮 在二十七都宋徽宗敕建 順治二年燬於賊道士 湯豁然金翠雲重修道光二年道士合里人提緣

補

鼉鼓寺 在茶溪道光 戊申年重修

年豐鄉

櫻田寺 在門山源

崕山寺 在赤江山即廣福寺

仰山寺 在局頭墩

寶峰寺 在照山峽

西巖寺 在治樵巖可容百人雍正二年建知縣廖科齋題曰西巖

鎮龍庵 在大源山

大悲院 在斜石

資福院 在大源即大源寺

荷葉庵 今廢

太平宮 在太平山祀宋真人章自然處

仙源寺 在相空洞明嘉靖間邑人張銖建

高居寺 在木高原

遼山寺 在遼山

清宮庵 在黃碑

翠雲寺 今廢

黃蘗寺 即白雲庵明嘉靖間邑人張鏞建施齋田山莊手植黃蘗樹數株覆蓋寺上因名

慶雲寺 在九宮山界

開元觀 在橋頭

瑞慶宮 在九宮山

小九宮寺

石壁庵 在石壠

九龍寺 在梅溪

福主觀 在磔坑許旌陽捕蛟過此

青山寺 在青山均

藍關寺 名雲峯山下有鈺石橫水宛然馬跡明景泰二年鐘爐俱鑄馬

拂雲庵 宋延祐間建寺舊名新興乾隆三年知縣吳之彥改曰拂雲

屏瀾寺 嘉慶己卯里人重修

水口寺 在威古嶺

船頭寺 在三十三都段上

曹王廟

白面石仰山寺 下有石如獅蹲踞溪上溪白峭峻

順義鄉

朝旌壇 在石市

師姑坪寺 一名朝陽寺在岡上

盧醫尖 在仙潭舊遺

都仙觀 在渠梁道等重修佛像

崇福寺 僧雨松重修在三十都楊坑

永慶宮

南槎菴 在仙潭乾隆辛亥章裕實重修

新峰寺 在西安僧明朗修有銅佛重一萬八千觔

寺觀

龍興寺 在石鼓

觀音堂 在牛皮洞

雲峯寺

即古茶嶺庵在三十五都茶溪洞日余啟明建僧恒松重修

蒼坪寺

在牛皮洞口

潭洞寺 在銀爐山祀許旌陽

靈濟寺

乾隆三十六年僧慧目修在大乘山

下天臺 在龍石近寧州界

巴菱寺

一名興元寺廢基存

太陽殿 龍溪十社同建

馬山寺

即黃龍古刹西南通衢前亭可憩息

浮雲寺 僧恒松重修在三十七都

正當山寺

在大田

港北壇 在港北三十八都

陳門寺 在清江源

上南鄉

楓林寺

在小流寺門右有營汛一所

禪關寺 與靖安抵界寺前有龜蛇二山

九龍寺

在桃樹源

後城寺 在石門樓

金雞山寺 寺廢基存

龜山寺 在黃絲港

天平寺

在尚寶山

石頭菴 在下莊

南谷庵

在廉村

橫堂寺 一名翠雲

隱峰寺

廢基存

東山寺 在平坑叢竹中道光壬午周姓重修

新開嶺寺

寺前為邑南通衢

太平寺 在山口四十都二圖

菱湖寺

萬善堂 在錦雞均

石榴庵

在斜港山巔路最艱險

香爐山殿

陳明寺

在四十都二圖陳守珣裔捐修

下南鄉

柳山觀

在柳山之麓即貞公讀書處旁有貞公井宋丞相章鑑有記道光甲辰陳守珣後裔重修

柳山寺

在柳山之半寺前有石門門有詩四首不注姓名

長崙寺

係四十三都

普化寺 在楊港道光三年監生余相捐修

盧同寺

在洞子上即柳洞寺

尊者庵 在嚴陽山

虎泉寺

有石浪如虎爪泉出其中水味甚甘

永安寺

在茗竹港

延慶院

舊名寶安寺在四十三都

江陰鄉

慈善堂

在下石觀

萬福寺

在水口山麓有界方石印石泉水湧出

神通庵

在大崙山

永興寺

今廢

普渡庵

在鳳溪橋頭

玉龍寺

康熙間建

師姑臺

在南中

蓮花庵

一名小橋寺在車頭

大巖寺

在下蕭口巖口用瓦椽承接前施門壁巖內仍分堂室簷流滴瀝似雨旦暮不絕

海會庵

在潭埠東北係舊桑棗園

普陀庵

在中口市

永豐廟

在東溪

厚山院

據府志增人

臨江院

據府志增人

長樂鄉

頭陀寺

在天柱山邑人余學韶捨產頭陀費共州建觀音堂乾隆己巳改遷於今山

靖公庵

庵廢基存

迴龍庵

在長墅源余學韶捨產

橋頭寺

在龍石港今廢

泗洲寺

在中黃港東

龍棲寺

在白雲山

吉興寺

在瓜畚口

觀音閣

在上董源黃龍洞巉岬陡立溪水懷抱閣中屋舍緣崖高低路險難通上下皆由棧道

萬緣寺

在瓜畚口

丁仙寺

在瓜源許家洞祀丁仙姑顏曰海龍洞府

靖居寺

倚峻嶺面吳峯前有香爐木魚山宋法靜上人嘗掛錫於此今僧石菴重修嗜詩文詞客多唱和云

科峰寺

在三磯灘

永興寺

寺廢基存

淨明堂

在瓜源篁山道人李致菴開闢山小源窄徑以入一路陰靄登堂開曠苦小桃源

靈隱寺

在丁仙崖下

西瓜寺

在鳳凰山寺有毘盧關景極清幽

來儀庵

庵廢基存

萬果寺

在坪塢洞

燒香院

在四十九都依府志增入

武寧縣志卷之三十一

武寧縣知縣滇南李珣纂

藝文 制誥 奏疏 書籍

古稱傳世曰功德言文詞于言尤其精焉紀功銘德用託  
不湮青邱怪石穹林靈泉闡洩奧異幽秘以宣柳記杜詩  
地因人傳豫寧遐曠自昔而然艾侯列鼎柳伯名山雲烟  
不朽載籍綿延述作相承式視斯文志藝文

宋

光宗除周友直東宮侍講詔

儲禁啟圖書之秘美富備呈恩綸分絳席之榮夾輔宜篤銅  
鶴香生不僅等待臣之鵠立金墀瑞霽要必效講究於鱣堂  
咨爾周友直學窮三墳才優四輔特命為東宮侍講朝夕納

誨培國本於王謨帝典之中左右維勤養儲德於東壁西園之內庶羽翼得人俾誠正交懋尙其欽哉毋忝厥命

寧宗除周友賢敷文閣學士制

奎文燦天孫之錦紫閣騰輝蔡照分太乙之光瑤編煥彩蓋懋德乃宜懋官大才必爲大用咨爾周友賢文堪華國才足敷猷特授敷文閣學士重屋九筵固望資於啟沃十行一札端有藉於蒐羅坐論而經營四方從容以調燮萬化譽重公孤祇承休命

寧宗除周友仁兼兵部尙書制

睢鳩司夏爰垂九伐之文司馬典兵乃定六師之制環法樞而置弼南省莊嚴指樾蔭以思賢西曹望重屈突通之清廉可尙姚元之之精敏堪嘉咨爾具官周友仁秉將相之資樹公忠之績入稱三傑惟幄待之運籌出總五戎塞垣可以臥治茲特命汝以本職兼兵部尙書事永言禁暴佇增題劍之榮事切安人更遂揮金之樂正邦繫賴寵德攸宜行觀試可之能勉副才難之選

恭帝除冷應元提刑福建知漳州誥

朕敬保嘉師惟重惟輕司政典獄其難其謹七閩控山海之險漳浦多萑苻之虞澄察鎮服惟其廉能以爾剛介有守可停疑決滯禁蹙戢饗命爾祥刑使兼秉郡紐不欲所以弭盜審克所以折獄敷我德音尙其欽哉

恭帝除冷應元廣東提刑誥

朕惟廣東僻在嶺嶠惟良折獄委任非輕博訪廉能資其審克爾以剛介特立爲時所推俾司臬事鎮茲南土繼自今介



而有通剛而無亢庶克有濟用寬憂顧以長我王國則予汝  
嘉

明

世宗授方孟縉浙江按察司僉事誥

溯水東西新離倭酋蹂躪之慘大軍防駐尙未解嚴勁卒武  
弁環集於境供億繁甚民生益蹙朕甚憫焉汝刑部員外方  
孟縉性行端肅才具精明鞠獄西曹無少回屈視曹東省多  
所澄清茲以汝爲浙江按察司僉事檢繩軍衛時勤糾劾之  
司鎮撫黎元無忘巡省之寄治吏而埋輪宣威祥刑則露冕  
佈德徃欽乃職庶其有休

按制誥爲用人之書有關政教馮志失載殊闕大體前代  
遺忘已多茲擇其幸存者編入其他恩封贈無涉治體  
者概不採入

唐

奏分武寧縣西八鄉置分寧疏

觀察使李翼

竊惟武寧一縣所隸者凡二十鄉而太清鄉甘羅鄉縣台治  
所在焉西鄉趨縣山川修阻輸賦於官踰三百里小民徃返  
疲於道路農桑之業或至荒廢臣等伏見西八鄉有常州亥  
市居其中於八鄉道里適均臣請卽市建縣西八鄉悉隸之  
餘隸武寧如故於輸賦旣便而榛莽遐曠之處人跡罕到有  
司耳目近而易周則於防微杜漸之理或兼有取焉事係民  
生休戚輒便披宣靜聽勅旨

宋

劾賈似道疏

周應合 邑人

臣應合言臣以非才上荷聖知擢任重藩報稱無聞復蒙殊眷徵以御史命下之日震悚無地臣伏念人臣事君知無不言雖處嫌疑罔敢隱避臣所欲言冀得伏闕職幸能言益思仰報獨以言官者天子之耳目輔相者天子之股肱股肱得其人而後耳目稱其司唯循位以進在所溺職卽壅格不通亦難盡言臣未敢倉卒拜命用是披瀝以陳竊見平章軍國賈似道身列宰輔時當危急陛下賜之第宅待以殊恩所以勵其忠勤非徒縱之逸豫顧似道性本昏庸情溺嗜欲深居養安日圖宴樂內而朝政廢弛漫不稽省外而邊事孔亟匿不以聞諫垣奏章必關白而後行似道得以恣其奸險又排斥異己李芾徐經孫陳著謝枋得王堅等皆貶逐不用正人端士關口奪氣望風引退雖欲効一日之忠蓋而不可得臣竊惟今日事勢外寇猖獗土地益蹙正人臣痛哭流涕之日似道不圖報効而怙權壅蔽若此海內之人誰不側目陛下神聖文武豈肯庇此奸回伏乞奪其職司付諸吏議以正典刑使天下知似道欺君負國之罪今日無所逃遁則宗社幸甚生民幸甚臣世被國恩情詞急遽自知狂妄甘伏斧鑕待罪闕下無任懇切謹疏以聞

薦員外郎冷應元劄子

右丞相馬廷鸞樂平人

臣伏見陛下用人不次擢拔而中原多故卒無有赤心爲國家者近且偷窳不振營私自便一二骨鯁有爲之人扼於當道惡其正直斥不得用使天下不見人才之効臣甚憂之禮部員外郎冷應元持身端介蒞事明敏頗通朝政盡所欲言罔知避忌又練機務勇於有爲無復瞻顧良屬殊才可勝

重任倘令專音四方庶或力當一面唯陛下念人才難得而微臣得以陳其所知謹奉狀上聞取進止

薦鄉貢進士葉點疏

右丞 相 章 鑑 分寧人

臣鑑伏讀某月某日宸翰示令內外臣工各以類舉人才不得苟飾虛詞以應故事者臣重荷寵眷謬陪侍從雖或延訪不周敢蹈蔽賢之罪姑就耳目所接上應旁求之書竊見龍興府武寧縣鄉舉進士葉點好學淹博久爲士林所尊行已潔清不失鄉黨之望兩魁漕薦對人未嘗言文一意孤高生平恥事干謁老練典章可備清筵顧問周歷時事足任外郡馳驅當此烽烟交警正需才俊之時豈使衡廬樂飢致有遺逸之嘆苟有裨於家國罔不竭其愚忠謹具狀以聞唯陛下裁擇

國朝

請

旨責懲通事疏

太僕寺卿 盧 浙 容 菴

奏爲嘆咭喇國使臣傲慢無禮已奉

旨發還貢物逐令回國不治其罪臣愚請將通事詰責懲辦以崇

國體以警奸邪仰祈

聖鑒事竊思嘆咭喇國遠在外洋慕化輸誠

遣使入貢豈有不遵奉

天朝約束敬恭承順之理乃該使臣於跪叩

禮節抗不遵行經我

皇上兩次派遣大臣傳

武寧縣志 卷三十一 諭並令寬期演習業已帶至

宮門

恩予瞻覲仍復始終抗違託病不入竟致不克成禮賫貢空  
回殊出情理之外臣竊意此中必有奸邪通事挑撥蒙  
蔽以致如此嘗試考之往籍宋時高麗入貢使者凌蔑  
州郡押伴使臣皆本路筦庫乘勢驕橫至與鈐轄抗禮  
時蘇軾通判杭州使人謂押伴等曰遠夷慕化而來理  
必恭順今乃爾暴恣非汝導之不至是不悛必當奏聞  
押伴者懼乃爲斂戢又於闐使者入貢過秦州經畧使  
以客禮享之使者驕甚壞傳舍什器縱其徒入市掠飲  
食陳希亮聞之曰使者初不敢橫暴此皆譯者教之乃  
使人持符告譯者曰人吾境有秋毫不如法吾當斬若  
取軍令狀以還使者至羅拜庭下入境出境無敢譁者  
以此二事觀之此次嘆咭喇貢使敢於違拗必有奸邪  
通事從中播弄不可不加詰責且由通州登舟回國經  
歷數省過大庾嶺至廣東省放洋中間水陸數千里貢  
使伴黨將近百人若不加以懲辦恐沿途一帶仍有不  
遵約束之處蘇楞額廣惠二人不知大體現於  
輦轂之下尙一味軟弱將就蒙蔽離京稍遠必更多姑息

雖奉有

諭旨沿途添派文武大員協同照料而蘇楞額廣惠二人係  
長途護送意恐復生事端再罹重咎必仍以將就了事  
爲得計彼分途照料者又未必遽肯認真辦理如此則  
恐該使臣等肆無忌憚愈致不成事體相應請

旨將該通事嚴加詰責以示懲創並

嚴諭蘇楞額廣惠暨各省派出文武大員倘該貢使等在途

稍有不遵約束之處卽

奏明按法懲辦不可姑容雖

聖德寬洪覆之如天地亦不可不震之以雷霆臣愚昧之見

是否有當伏乞

皇上睿鑒

訓示謹

奏

福建道御史任

風沙示警戒陳管見疏

奏爲風沙示警戒陳管見仰祈

聖鑒事竊見本月初八日申酉之交風沙蔽天始猶不甚怪

異一二刻之間忽然昏黑直如深夜久乃紅亮經時稍

息至暮雷雨交作消氛掃翳亦旣化沴爲祥矣臣於駭

愕之餘轉爲慶幸我

皇上遇變修省恐以致福者必有在也臣揣測其故莫識所

由往代所傳五行傳五行志以及京焦占驗之說皆穿

鑿附會強求證應臣不敢妄爲披拾然沴氣之來必有

所自我

皇上敬

天法

祖

勤政愛民以洪範之休咎徵應推之當有時雨時暘時風之

式

卷三十一

藝文 疏

七

二百七十二

武寧縣志 卷三十一 四百一十五  
應乃各直省遠近比歲多屬豐稔而近畿五百里自上年秋冬至今風多雨少轉不免亢旱之虞

皇上虔誠禮禱夙夜焦思本月初四日奉

上諭順天府所屬近畿五百里以內澍雨未霑風日曠燥默思其故或係

上蒼示警此數百里內有在逃逆犯潛藏隱匿日久未獲以致沴氣所結上過祥和著步軍統領衙門順天府五城各於所轄境內嚴密訪拏留心躡緝欽此此誠我

皇上除莠安良化沴導和之至意果係如此

明諭既下雖未必甘澍如期亦不應沴氣轉熾臣再四思慮莫測所由意恐緝捕員弁中或不免因有此

旨率意妄拏貪功冒賞擾累平民者似不可不嚴行申禁且

以現在情事而論逆黨之查拿已經六載如祝現等逆犯罪大惡極日久稽誅自當嚴緝務獲至與逆犯稍有干連情在可矜可疑者於書有脅從罔治之文於易有前禽不誠之筮我

皇上曾經屢降

諭旨嚴禁妄拏並將緝捕委員等通行撤回又許自首免罪所以保善良而安反側者非不周至而所在官役往往奉行不善捕風捉影以致人人自危甚且有畏累賄脫致破家私者此非施一曠蕩之

恩爲之限制竊恐牽連滋蔓殆無已時臣愚以爲現在最要

次要名在刑書各犯自應仍舊訪拏此後有曾經脅從或稍有干涉情在可疑者既已斂迹自新應請一概不

問儻此後所掣之犯又有牽連供出但不在最要次要之中皆請從寬免其鞫究勿令蔓延卽請將此意於日前所奉

諭旨之外嚴切申明俾所在緝匪各員弁皆知取所重而舍所輕則不但可以免誣陷而開自新兼可以招首告而杜反噬是或亦消沴導和之一助也是否有當伏乞

聖明睿鑒謹

奏

嘉慶二十三年四月十一日

兵科給事中任

陳請湯斌從祀疏

奏爲

聖駕臨雍有日詩

旨酌增從祀以表前賢以勵後學以裨風化事竊惟治理原於學術興化厥在崇儒儒有純修必明體始能達用禮隆配食惟繼往乃以開來近以歷代帝王道宗

孔孟典禮攸崇漢唐宋元明大儒輩出各擇其學術深醇政事彰著者列於從祀意至美也我

朝

列聖相承崇儒重道邁越前古康熙五十四年題准以宋儒范

仲淹增入從祀雍正二十年又以先賢諸儒縣賈牧皮

樂正子公都子萬章公孫丑漢諸葛亮宋尹焯魏了翁

黃幹陳淳何基王柏元趙復金履祥許謙陳皓明羅欽

順蔡清

本朝陸隴其共二十人定議增入乾隆二年又以元儒吳澄復祀太學伏思

本朝儒臣正不乏人其地亦不勝枚舉而天下士大夫所翕然同稱者實惟陸隴其湯斌爲最康熙時號稱湯陸湯之名尤在陸之上陸之學恪守程朱固無遺議湯之學其初用王守仁良知之言以立根脚而居敬以立體窮理以致用既尊德性仍道問學實與朱程同出一轍臣觀其與同輩往復論學講書諄諄然以橫分畛域妄起戈矛爲戒廣大寬和尤爲得體四庫全書提要特稱其能持新安金谿之平臣詳查前尙書臣湯斌忠孝性成幼卽慕學順治壬辰成進士授職詞垣旋擢潼關道升嶺北道叅議俱有異政終養回里時有容城孫奇逢

講學蘇門猶折節奉贄久之以薦起制科受職史館纂修明史出撫江左正己率屬興利除弊政績尤多入值經筵啟沃勤懇

聖祖仁皇帝眷注甚隆凡會議大事必問湯斌云何旋以疾終朝野同慨雍正十一年奉

旨入祀賢良祠

賜謚文正並頒

御製碑文當時有以從祀請者部議頗以著書尙少爲疑然祀典雖未卽定猶奉

旨有日久自有論定之言又於乾隆五年奉

諭湯斌陸隴其學術純正言行相符此二人允爲一時之冠天下人士至今傳誦之臣愚竊以爲前尙書臣湯斌學術



深醇事業昭著不減前賢至於以著書尚少爲疑則不言而躬行正聖門所貴德行之科所以先於文學臣東髮受書稍識趣向而於湯斌之言心切愛慕邇來三載視學河南經其故里訪其遺書得其家所藏嵩談錄讀之生平學問本末具存讀其文集居官奏疏經國猷謨忠肝古誼體立用行其他雜文亦無不可見其躬行心得之實四庫全書載湯子遺書十卷謂其堅苦自持事

皇上崇儒重道與

列聖相承

登極以來優禮士類茲於二月丁未

親謁

文廟行禮又於二月十三日

臨雍講學鴻儀懋舉天下向風前尙書臣湯斌應否從祀之定論咸有待於

陛下伏乞

皇上勅下禮部詳悉核議明臣劉宗周上年以御史馬步蟾之奏曾奉

恩旨准其從祀綜計明臣從祀者已有七人我

朝大儒輩出現在從祀者僅有陸隴其一人湯斌之外似尙有可以並議者臣知識短淺非有聞見之確不敢妄及謹恭摺具

奏伏乞

皇上聖鑒謹

奏

道光三年

通政使司參議任

禮部議奏崇祀鄉賢疏

禮部謹 奏爲遵

旨議奏事禮科抄出江西巡撫周之琦會同兩江總督陶澍  
江西學政翁心存題請已故太僕寺卿盧浙入祀鄉賢  
祠一疏奉

旨該部議奏欽此欽遵抄出到部查定例各直省呈請入祀  
鄉賢應准應駁由部核實定擬其生前實係品學端醇  
名實相符者覆核具 奏請

旨如僅以人品學問空言譽美並無實蹟者卽行議駁以昭  
慎重其有大臣身後題請入祀者專

摺具 奏等語今查該省送到事實冊內開已故太僕寺卿

盧浙江西進士由戶部主事歷官至太僕寺卿該故員  
天性孝友事繼母尤盡愛敬居鄉加意任卹分廉贍族  
推惠甚廣官御史時巡視漕務屏絕苞苴官河南學政  
時尤以正人心端士習爲已任刊爲學須知學規各條  
悉躬行實踐之學更能潛心經義著有周易經義審一  
書允爲士林模楷所有已故太僕寺卿盧浙入祀鄉賢  
祠之處洵屬名實相符臣等謹擬如該撫等所請准其  
入祀鄉賢祠恭候

命下臣部遵奉施行事關大臣崇祀謹循例專

摺具 奏請

旨奉

旨依議欽此

部頒書籍

欽定書經傳說彙纂一部二函計二十四本

欽定詩經傳說彙纂一部二函計二十四本

欽定春秋傳說彙纂一部二函計二十四本

欽定周易折中二函計二十四本

欽定性理精義一函計五本

上諭四部計九十六本

又續發訂正四本

宣講一部計二十四本

又訂正四本

文武相見儀注三部計六本

上諭內典二部計二本

學政全書二部二函 計十六本

續增學政全書二部二函 共八本

文廟樂章五部 各一本

歷祀廟壇祭文 計一本

欽定書經傳說彙纂二部二函 計二十四本

欽定春秋傳說彙纂二部四函 計四十本

欽定詩經傳說彙纂二部四函 計三十二本

欽定性理精義二部二函 計八本

御批資治通鑑綱目二部八函 共計一百六十本

日講四書解義一部二函 計十二本

上諭條奏例二部 計二十四本

欽定授時通考一部二函 計二十本

明史一部 計一百一十二本

欽定四書文一部三函 計二十二本

上諭漢清字各一本

御纂詩義折中一部一函 計二十本

御纂周易述義一部一函 計十本

御纂春秋直解一部一函 計十五本

御纂三禮義疏一部 計一百八十二本

御製文初集一部一函 計十六本

御製詩初集一部四函 計二十四本

御製詩二集一部八函 計四十六本

欽定清漢對音字式一函 一本

欽定評鑑闡要一部一函 計六本

江西冊結式一本

磨勘簡明條例五本

憲發書籍

養正遺規二部 計二本

訓俗遺規二部 計四本

從正遺規二部 計四本

教女遺規二部 計四本

豫章書院學約一本

又一部 共五本

綱鑑正史約一部二函 計十六本

孝經通釋一部 計一本

小學孝經纂註一部 計四本

養正遺規一部 計一本

近思錄輯解一部 計四本

四禮初稿一部 二本

呂子節錄補遺一部 二本

呂子節錄一部 二本

大學衍義補輯要一部 八本

四禮翼一部 一本

作文家法二部 二本

訓蒙第一書 計一本

附邑人書目

晉

交州賤俞益期著

宋

草堂集鄭郊著

沉帚集葉榘著

史纂冷文英著

秋澗集冷克諧著

溪園集洪厓集建康志五十卷周應合著

易說冷轟龍著

樵唱錄冷應登著

龍崖集十卷冷應凱著

芻狗集冷治鳳著

追賢錄葉惟華著

通編筆衡俱邢凱著 補遺

元

耐軒集周天驥著

槃澗集冷士元著

雞肋集四卷櫟社塵談冷起予著

艾水集邢以忠著

傲帚集冷同孫著

叩缶集冷留孫著

冷存中詩稿詞稿

冷養吾詩稿

明

體仁錄易理格言余用江著

雁里殘稿方孟縉著

求正稿知耻錄萬廷彩著

梅瀾草盛應律著

浣花詩集萬曰驥著

讀易精言邢欽詔著

鳴真稿呂子登著

楚聲四卷江湖奏章二卷樗亭漫記四卷賓陽唱和二

卷志學錄四卷余弼著

羊角山房稿梅花園詩文草駱剌燕遊徑言括蒼景韓

齋集松署紀拙昭代師範同文寡過錄儉旨錄學餘

類紀盛宗齡著

梧隱詩稿萬廷鳳著

禹門集聶如忠著

雲溪集林維翰著

秋水集盛運開著

端居稿城東稿山中稿靡遊草振初稿玉枕山人集余

長祚著

寒泉集潘元齡著

秋聲稿董物生著

石竹圃詩稿汪之東著

童觀錄余士清著

秋厓詩集費輓衡著

墨庄遺訓余哲著

蘭根集張毅著

逸園草盛彌俊著

壯遊錄王國珽著

白崖集葉來昌著

國朝

洪厓集家訓錄盧圖龍著

鶴溪詩草陳思珊著

醉月草李容野著

卜緝心解盧元俊著

周易新解余文梓著

巖居集蕭露瀼著

春秋心傳水志清崖集詩藪盛際斯著

種雲集張元第著

七峯集梅花詠張居山著

易義參史五卷盧宏勳著

傷寒括註雜病略艾芬著

矛岡集半月堂詩稿洪文機著

勸月草甘棠著

玉枕集張應遴著

論語聞國風錄左氏錄史存莫舟集外集字雲巢稿蠶

墨象居墨定帆錄隱雪草游歷草碧叢玉屑盛慕著

易傳廣言毛詩廣註冰史存吾園集賓竹文選賓竹詩

草冰庠碎墨牛艚紀聞余騰蛟著

止水集盛鏡著

少廬集焚餘稿余螭著

劍山集留雪草懷人詩集促膝屑言酣碧新語盛樂著

拾愚稿盛世麟著

聽蕉稿盛樵著

魚亭詩草汪軻著

水園集楊光斗著

新增書目

周易外傳盧金鏡著

讀詩釋物方瑛著

周易精義審周易說約讀史隨筆爲學須知散體文制

藝二種盧浙著

文獻通考正續合編阮十三經注疏校勘記摘錄盧宣

甸著

今古地理述識字編宦拾錄經史考畧循陔詩集王子

音著

警世弁言方德皆著

閨榻文集古今醫詩井下集張望著

瘦雪詩草余世蘇著 半船詩草余復著

一夜軒集盧琳著 主雪詩鈔羅穆著

辛亥小錄陳懷著 白邨詩鈔李趣堂著

杭林詩鈔遜香齋文集張斌著

初堂文稿李蓋著 拾遺文集鄧敏著

毅堂文集黃暉吉著 冰序詩草余世藻著

周易晰疑三禮晰疑汪邵祥著

登瀛草盧鴻翔著 緋芸律賦張明連著

鶴頂園詩草盧藹吉著 滄螺詩鈔夏賢著

泛巢詩草潘藝蘭著 虎山詩草黎澍著

平慮畧剡劉拭著 鄉黨篇講義洪遇舉著

虛吾堂詩稿李修著 棠城子集陳芬著

芥堂集芥堂示詩人琴集余鳴珂著

萬里征圖記王瑞鼎著 醫鈔類編翁藻著

復初齋試帖評註翁蘋著

潔江詩鈔翁繁著 同懷課藝翁宗燾宗樾著

已上新增書目皆卽其已梓行世者登載其尙有未

刻者各詳本人名下茲概未入



